



Aningaasanut Naalakkersuisoq

Aningaasaqarnermut Ataatsimiititaliap suliaq nr. 01.31.06/09-00423 pillugu tallimanngornermi ulloq 31. juli 2009-mi aalajangiineranik Naalakkersuisunut ilisimatitsineq

Aningaasaqarnermut Ataatsimiititaliap aalajangiinerani nr. 410-mi, 24. april 2009-mi akuerineqartumi allaffissornikkut kukkunerup kingunerisaanik iluarsineq pillugu

Naalakkersuisut inassutigaaat,

- kontomi pingaarnermi 80.00.00-imi, Sanaartornermut atugassanut agguanneqanngitsunut tunngasumi, aningaasaliissutit 2009-mi 28 mio. koruuninik amerlineqassasut
- kontomi pingaarnermi 86.60.01-imi, Peqqinnissaqarfimmut tunngasumi, suliassamut nr. 060.46.015-imut, Nuummi DIN-mi imm. pingajuannut tunngasumi, aningaasaliissutit 2009-mi 28 mio. koruuninik ikilineqassasut
- kontomi pingaarnermi 80.00.00-imi, Sanaartornermut atugassanut agguanneqanngitsunut tunngasumi, aningaasaliissutit 2011-mi 25 mio. koruuninik ikilineqassasut
- kontomi pingaarnermi 86.60.01-imi, Peqqinnissaqarfimmut tunngasumi, suliassamut nr. 060.46.015-imut, Nuummi DIN-mi imm. pingajuannut tunngasumi, aningaasaliissutit 2011-mi 25 mio. koruuninik amerlineqassasut
- kontomi pingaarnermi 80.00.00-imi, Sanaartornermut atugassanut agguanneqanngitsunut tunngasumi, aningaasaliissutit 2012-imi 3 mio. koruuninik ikilineqassasut
- kontomi pingaarnermi 86.60.01-imi, Peqqinnissaqarfimmut tunngasumi, suliassamut nr. 060.46.015-imut, Nuummi DIN-mi imm. pingajuannut tunngasumi, aningaasaliissutit 2012-imi 3 mio. koruuninik amerlineqassasut”.

Aningaasaqarnermut Ataatsimiititaliap oqaaseqaatai

Nuummi peruluttunut saaffiginnittarfimmut aamma DIN-mi immikkoortut pingajuanni suliat kingunerisaannik suliassanut aningaasanik atugassanngortitsinissaq pillugu Naalakkersuisut qinnuteqaataat Aningaasaqarnermut Ataatsimiititaliamit ull. 24. april 2009-mi akuersisutigineqarpoq. Nuussinissap akuerineqartup ukiunut agguataarneqarnera Aningaasaqarnermut Ataatsimiititaliap akuersissutiginninnerani amigaataavoq. Tamanna tunngavigalugu allaffissornikkut kukkunerup tamatuma kingunerisaanik iluarsinissaq Aningaasaqarnermut Ataatsimiititaliamit akuersissutigineqassasoq Naalakkersuisut inassutigaaat.

Suliassat kukkunillit tiguneqarsimanagerat ataatsimiititaliamit assut ajuusaarnartutut isigineqarpoq aammalu suliassat taamaattut Aningaasaqarnermut Ataatsimiititaliamut nassiuunneqartigatik pitsaassusiannik qulakkeerinerup pitsaanerusarnissaa ujartorneqarpoq. Allaffissornikkut kukkunerit taamaattut uteqqinneqannginnissaat allaffeqarfimminnut Naalakkersuisut erseqqissaatigissagaat ataatsimiititaliamit naatsorsuutigineqarpoq.

Aningaasaqarnermut Ataatsimiititaliap aalajangiinera

Naalakkersuisut inassuteqaataat Aningaasaqarnermut Ataatsimiititaliamit **akuersissutigineqarput.**

Aningaasaqarnermut Ataatsimiititaliaq sinnerlugu

Akitsinguaq Olsen

Aningaasaqarnermut Ataatsimiititaliap siulittaasua